

TARIKH	KHAMIS, 10 OKTOBER 2024
AKHBAR	UTUSAN MALAYSIA
TAJUK ARTIKEL	PENGUATKUASA TUJUH AGENSI KPKM DIGABUNG
M/S	1 – 2
BIDANG	MANAGEMENT
KATA KUNCI	MANAGEMENT

Penguat kuasa tujuh agensi KPKM digabung

Oleh MOHD. HUSNI
MOHD. NOOR
utusannews@mediamulia.com.my

PUTRAJAYA: Kementerian Pertanian dan Keterjaminan Makanan (KPKM) akan menggabungkan penguat kuasa tujuh agensinya di bawah satu bumbung bagi memperkukuh kawal selia sektor agromakanan.

Tujuh agensi yang terlibat ialah Kawalselia Padi dan Beras (KPB); Perkhidmatan Kuarantin dan Pemeriksaan

Bagi perkukuh kawal selia agromakanan, bendung ketirisan

Malaysia (MAQIS); Jabatan Pertanian Malaysia (DOA); Jabatan Perkhidmatan Veterinar (DVS);

Jabatan Perikanan Malaysia (DOF); Lembaga Pemasaran Pertanian Persekutuan (FAMA) dan Lembaga Kemajuan Ikan Malaysia (LKIM).

Menterinya, Datuk Seri Mohamad Sabu berkata, apabila digabungkan, keanggotaan penguatkuasaan bagi sektor agromakanan negara akan mencecah seramai 2,030 orang dan berkuasa mengawal keseluruhan 14 akta di bawah KPKM.

Beliau berkata, cadangan itu akan dibawa kepada perha-

tian Perdana Menteri, Datuk Seri Anwar Ibrahim dalam satu mesyuarat pada 1 November ini.

“Penggabungan penguat kuasa itu akan membantu KPKM merealisasikan reformasi yang dibuat sekali gus memastikan penguatkuasaan berjalan dengan lebih optimum agar isu ketirisan, penyeludupan dibendung dengan lebih efektif.

Bersambung di muka 2

PENYERAHAN SENARAI SEMAK KERLANGAN PENGURUS KEWANGAN PTJ KPKM



MOHAMAD Sabu (dua,kiri) menerima buku senarai Semak Kecemerlangan Pengurusan Kewangan PTJ (KPKM) daripada Ketua Setiausaha KPKM, Datuk Seri Isham Ishak dalam Majlis Perhimpunan Bulanan (KPKM) Tahun 2024 di Putrajaya, semalam.

Penguat kuasa tujuh agensi KPKM digabung

Dari muka 1

“Reformasi yang sedang diusahakan ini bukanlah kerana ada agenda politik, tetapi ia dilakukan untuk kebaikan dan masa depan industri,” katanya kepada pemberita selepas perhimpunan bulanan KPKM, di sini semalam.

Mohamad berkata, reformasi pentadbiran turut akan dilaksanakan di Lembaga Pertubuhan Peladang (LPP) dan Pertubuhan Peladang Kebangsaan (Nafas) dalam masa terdekat.

Beliau berkata, KPKM menjadi kementerian pertama yang menyahut seruan Perdana

Menteri untuk melaksanakan agenda reformasi perkhidmatan awam melalui penggabungan penguatkuasa di bawah KPKM,” katanya.

Menurutnya, penggabungan keanggotaan penguatkuasaan itu tidak membabitkan implikasi kewangan dan hanya membabitkan pertukaran dalaman.

Sementara itu, Mohamad berkata, sebanyak 32 cadangan dan inisiatif dikemukakan KPKM kepada Kementerian Kewangan (MOF) untuk dipertimbangkan bagi Belanjawan 2025.

Menurut Mohamad, semua cadangan itu penting bagi

memperkuhkan pengurusan rantai agro makanan negara sekali gus menjamin bekalan yang lebih tersusun dan berstruktur.

“Isu geopolitik dalam pertanian sering kali berkait rapat dengan kedaulatan negara, di mana kawalan terhadap sumber makanan dianggap lebih kritikal daripada aspek keselamatan fizikal.

“Dalam hal ini, KPKM menggalas tugas yang sangat besar bagi memastikan kecukupan dan keterjaminan makanan dalam negara tanpa perlu bergantung kepada sumber luar,” katanya.